

宣統新疆圖志

新疆圖志卷五十三

交涉一

聯維崑崙幹絡居神州大陸之脊其東幹蟠蜿而趨綿亘葱嶺祁連以屏幃中原自其西端則越帕米爾高原嚮興都克士愛耳布芝高加索諸山以入於西方亞細亞實爲亞歐二洲交通之樞軸洪水以前載籍無徵弗可考已漢武開通西域聲教四訖北至烏孫大宛暨於鮮卑康居之族

烏孫屬伊犁地大宛當今烏茲別克之庫倫西北利亞屬庫爾吉利吉思之屬

南略尉賓

今克什米爾

覃及身毒大夏西踰葱嶺臣服月氏極於安息條支諸國當是之時使命往來重譯萬里歐亞交通之機開然若闢東漢明章之世班超建功深入其阻殊威震於絕漠委質內屬者五十餘國既定安息迺遣掾甘英欲通大秦之路至於犂鞬

犂鞬在亞洲極西彼於國馬奔車大車同

窮臨西海不克渡而還

西海當即波斯海

由是東西肩闕幾啟而復塞者千有

餘年隋唐之際大食崛興天方教徒流衍西域而景教亦於斯時繼踵東來貞觀十二年歷亞刺伯海潮阿母河經小亞細亞度越

葱嶺而入我中原歐人之游歷傳教漸啟交涉自茲肇端矣唐初

奄有西域置北庭安西都護府起漠北至於北海凡錫伯利路諸

國皆爲羈縻郡縣更戡定東西突厥二部突厥即鐵勒之稱威力遠播北

屆黠戛斯西臨波斯大食荒服內外悉主悉臣至懿宗咸通朝始

聞有俄羅斯酋長祿利哥建國於康居以北濱海之地西域與東

歐之關係蓋自唐始也唐衰西域之地或淪於回紇或沒入於吐

番循五季以終宋朝時值歐洲多故羅馬十字軍與土耳其有宗

教之爭風倣雲詭莫或遑處故亞歐交通之局至是而又頓挫不

進者垂六百餘年洎元世祖崛起漠北開阿力麻里帥府以監天

山北路設別失八里帥府以監天山南路更建行省於阿母河統

取葱嶺以西部族橫貫亞細亞大陸置略俄羅斯南境分封諸王

於伊兒汗忽里元之子孫封於伊兒汗國據有阿母河以外西方亞細亞等地欽察汗拔都之子孫封於欽察汗國東有吉列吉察合臺

汗成吉思汗之子孫分封於此據有西爾汗國外天山附近一帶之國遠及土阿窩臺汗等國阿窩臺之子孫分封於此據有阿窩臺山附近之乃爾魯土及以龜茲里一帶地畧地至

裏海以西再征俄羅斯佔領莫斯科城進擊波蘭席卷匈牙利蹂

躡至日耳曼東部歐東諸侯西走乞援將爲合縱之約而元帥已奏凱而還于斯時也蒙古威名震盪西土有混一歐亞之勢而西域與歐洲之交通迺自此益密此則自有史冊以來西方交涉之緣起也夫古者天子守在四夷自漢唐元代以迄我

朝開國之初沿西域邊徼外擁土建號者大小十餘國若布魯特安集延浩罕坎巨堤阿富汗克什米爾各酋長雖長地封豕更迭爭雄時不免憑陵上國致勞西顧逮其後畏威懷德亦正賴此列邦小侯星羅碁布屹然屏蔽以環衛我邊圉使歐洲強國不能越此戎索來賓逼處此之嫌今則俄羅斯盡略取東西錫伯利亞及中央亞細亞諸回部壓我邊界而居英吉利亦佔領印度全土取阿富汗爲保護國新疆緣邊七千餘里壤地毗連藩籬盡撤絲是訂約設領事通商傳教暨交界人民爭訟一切交涉條件乃棘起叢生至於不可究詰斯又漢唐歷代聖君賢相開拓疆土以來所萬萬意料不到此者已夫以新疆大勢論之交涉之危艱難而鉅

者誠不在英而在俄俄人之我伊犁也肇起於咸豐元年開我窺  
東南髮亂乘機攫利要求伊塔通商又覬塔爾巴哈台山後金礦  
之利恐哈薩克擾掠爲患乃於伊犁境外博羅呼濟爾卡倫附近  
阿里瑪圖地方建立商埠以誘致之二年俄人自倭連布南下進  
兵阿里瑪圖以西築砲壘於哈薩克境內震撼該地上民以示威  
力四年始於額爾齊斯河西岸輝邁拉虎卡倫外地方設立斜米  
帕拉庭斯克巡撫塔什干之哈薩克與浩罕世仇浩罕因哈衆受  
役於俄發兵攻之俄大舉伐浩罕降其衆同治三年值我甘新回  
逆作亂俄再征浩罕奪塔什干城遂於阿爾瑪圖地方設立斜米  
烈庫斯克巡撫五年布哈爾汗懼俄侵畧與浩罕聯盟禦俄俄將  
高福滿進兵擊敗之陷撒馬兒罕布哈爾請援於阿富汗求英國  
之同盟道遠不濟俄兵圍之乞和爲城下之盟

布哈爾馬兒干以外凡俄軍所駐之地悉屬俄國

和內中應要地一處俄布哈爾水馬最之保護國一俄兵費五十萬處

年又於撒馬兒罕城設立雜拉夫山巡撫俄既定布哈爾地乃進

希窺窪

一名滿窪又作某薩爾圖布哈爾至康熙初年始屬布爾津立國

十一年俄將高福滿乘希窪內亂

斯所改且圖中有承襲舊說之勢不備

又偵知其潛通布哈爾有叛俄之志

俄歷年訓令定與布哈爾兵其故能遣使求俄保護彼得七其請

以希人劫奪俄商爲名興師問罪入其國都尋訂約議和

和約大端二款一希人歸降於

服於俄願國民不悅屢劫殺俄人光緒元年俄將司古拜烈夫討

滅之盡有其地置巡撫鎮之名曰費爾干省是時有土爾克綿尼

人未服二年俄征取其地設立雜哈斯披巡撫八年俄人還我伊

犁後又於斜米帕拉庭斯克之北額爾齊斯河東岸設立鄂穆斯

克總督先後六十年中俄人環我邊境置總督二巡撫七西方小

部落蠶食殆盡光緒二十五六年間錫伯利亞鐵路全功告成由

鄂穆斯克塔什干等處乘滾車至莫斯科舊京閱五日而達今且

展築支路至我喀什噶爾邊外交界之綫處處毗近則交涉之事

亦在在堪虞英人慮俄之侵軼印度也其始爲防衛屬土計於光

緒五年助阿富汗以抗俄師連兵數歲卒互相退讓和議僅而克

新

疆圖志

交涉一

三

成後覘我邊備少弛而畏俄人獨擅利益乃於十七年進兵坎巨堤逐其酋長又窺伺帕米爾西境交涉之事滋起矣夫中國東南濱海七省自道咸以來海禁大開泰西各國互市締約者常不在陸而在海獨我新疆僻處邊陲萬山環疊崑崙崧嶺爲自古中外天然之界限又有大小回部幟蔽其間宜若可閉關謝客宴然安枕無有敵國外患之虞乃搶攘數十年中俄逞東北英覲西南天若特開一陸路交通之局使西域狂榛之民大啟爾宇恍然知穹廬竊幕之外別有天地皆將兢吾智負吾力雖欲盱眙睢睢長此終古而不可得則外交之相乘或轉有益於西方民族未可知也故撮其交涉原始叙而論之凡訂約設領通商會識傳教游歷諸端分疏條目悉著於篇若夫疆場之事卡倫鄂博畛畫溝分卷帙繁重別爲國界志專論之茲不殫述但述其交涉始末俾留心邊事者得觀覽焉

國朝天聰二年額魯特蒙古之土爾扈特部由雅爾之額什爾努

拉地率部族西徙於俄羅斯之額濟勒河

案查額濟勒河岸曰瑪努托海本爲俄國甌脫地土爾扈特遷居於此屯且牧焉其地饒馬俄人與之市易土爾扈特資其贍給俄有徵調常助兵從征戰其後俄漸強大遂指土爾扈特爲己屬國然以宗教風俗不同之故此受服役恒思歸向中國

設羅斯交通實始於此

康熙二十八年準噶爾汗噶爾丹叛亂

案查噶爾丹叛亂將侵喀爾喀蒙古揚言借俄羅斯兵六萬火器手六萬大舉北犯次年五月

朝命傳諭俄羅斯商人馳歸告其疆吏各安邊境毋助亂入其時俄方有事西歐無東侵意故亦報使遜謝仍求請通市

第巴爾爾琿台吉之子凌伊圖衛拉特自立爲準噶爾汗者

康熙三十三年俄使自土魯番哈密來求入嘉峪關互市

案查時爲立館於京師中御河橋西定三年一互市來者不得



逾二百人以八十日爲期

康熙三十五年命大將軍費揚古討破噶爾丹於昭莫多

案查是役噶爾丹乞援於俄俄拒不答

噶爾丹自是遂亡

康熙五十一年土爾扈特汗阿玉奇遣使假道俄羅斯入貢

命侍讀圖理琛等亦假道俄羅斯報之

案查圖理琛等經東西錫伯利亞境俄皇命其疆吏厚爲之禮

並遣兵護送以歸圖理琛往返凡三年爲異域錄以紀其事

案圖理琛

既亡後其部有布多以西伊犁以北一帶地屬其部汗國用斷阿玉奇貢道仍不假道使通款於俄俄人向歸中國強大未敢助逆也

康熙五十四年進征準夷

命圖理琛馳赴楚庫河曉諭俄羅斯若策妄那布坦部衆有逃亡入境者令俄邊官兵卽行收納我國並不索取

案查雍正五六年間中俄勘定恰克圖界約凡三曰布林斯奇約曰阿巴哈依圖約曰色楞額約東自額爾古納河起西迄沙濱達巴哈止而不及新疆邊地蓋其時伊犁迤北尙多爲準夷

竊據故也

乾隆初年準噶爾汗阿睦爾撒納再叛

案查自準噶爾汗阿睦爾撒納再叛後大軍頻年征討

乾隆二十二年蕩平準噶爾汗西疆底定

案查當王師之取伊犁也準噶阿睦爾撒納窮蹙夜走俄羅斯境之額爾圖拉與俄官喀比潭相見於額爾濟斯河我師移檄索之未得取喀比潭印綬歸報旋有俄羅斯頭目來言阿睦爾濟河無蹤疑已溺斃參贊大臣富德探問阿睦爾撒實逃入俄界被獲將軍兆惠亦委員至俄境森博羅特等處偵察會阿睦患痘死

案自大軍既定西疆凡俄屬斯等  
人之在伊犁者悉移出俄境回國

乾隆二十三年俄人歸準噶阿睦屍屍驗實奏聞於朝

案查準噶爾蕩平述畧言阿睦爾撒納徒步入俄羅斯爲樵者所得守卡之瑪玉爾送往俄國理藩院行文索之會阿睦患痘死俄以其屍送入邊云云與此微異

乾隆三十五年十月土爾扈特汗烏巴錫聽從台吉舍稜計棄俄羅斯舊牧襲殺俄匠千人携衆四十萬東走伊犁表求內附

案查舍稜本土爾扈特舊族未從西徙仍居伊犁爲準噶爾台吉大軍征準部舍稜竄入俄境遣使乞降於俄俄人執舍稜羈諸森博羅特圖喇詔遣軍擊之未至俄復徙舍稜入其境諭理藩院移文俄官執舍稜以獻舍稜懼潛遁歸往依土爾扈特部當是時俄皇屢徵土爾扈特兵與鄰國戰輒敗死者七八萬人會俄又有徵命部人洵懼舍稜因說烏巴錫棄俄內徙並流言於衆曰今俄將徵調令十六歲以上者悉赴敵是盡慘我種姓也部人益懼烏巴錫乃大集會議諭以避地內附之利衆從之沿途劫掠攻破俄國城邑四處俄將濟納拉喇率兵追之烏巴錫之衆已逾鎧格爾圖喇而南入中國邊界俄兵不及而還於是伊犁將軍伊額圖安置其衆於伊犁隙地馳驛以聞時廷議以舍稜同來情屬叵測又以不宜受俄羅斯叛人虞啟邊釁議

不決

純廟宸衷乾斷以舍稜本我叛臣一再移檄索取俄人迄未交出今日願來歸我卽據此以折其機牙俄當無辭以對卒受之勅理藩院以此意傳檄俄羅斯示諭知之俄人果恭謹順命無異辭兩國邊吏講信修睦旋敦和好

志在修睦我邊吏

案自是以後迄道光二十六年間正及國

道光二十年俄盡有錫伯利亞全境而大吉利吉思部亦服屬於俄其時伊斯庫勒附近布魯特回族併爲俄人所征服

案查俄既盡有錫伯利亞全境及服屬大吉利吉思布魯特回族各部其疆界直接於我伊犁兩國交涉浸以日繁而俄人遣使通商訂約之事因之以起

案布魯特回族亦吉利吉思族之一部

道光季年俄人乘我東南髮亂紛起錫伯利亞總督摩刺維夫既遣哥薩克艦隊測量黑龍江航路更溯額爾齊斯河上流欲於伊犁塔爾巴哈台喀什噶爾三處開闢商埠逕達嘉峪關以通秦隴

腹地商務遣使詣北京牒請於理藩院奏聞奉

旨着伊犁將軍查明議覆

案查伊犁將軍薩迎阿奕山等會查具奏畧言俄羅斯請於伊犁塔爾巴哈台二處通商尙無窒碍惟查哈克圖事例難於仿行擬請照哈薩克貿易章程辦理庶可相安其喀什噶爾一處事多窒碍請毋庸議等語奏入

上念俄羅斯海邦大國未便以哈薩克章程相待

諭曰國家撫馭外人必期日久相安方能永靖邊陲該國甫議通商與哈薩克久經內附者不同所有進卡查明人數與牲畜貨物多寡撥兵接護其貨物或由章京酌量易換或聽其與商民自行易換贖貨物仍令自行帶回不得籍貨未換完逗遛赴街市置買食物發給執照限以時刻呈繳有犯罪名應如何覆辦方不至激生事端必須公同酌議方可永遠照辦著薩迎阿奕山等通知該國揀派大員前來會議妥立章程詳細具奏

至應議規條必須體察情形細心妥籌總期日久奉行有利無  
弊該將軍卽廣諮博採會同該國商辦不可草率定議至喀什  
噶爾既據查明窒碍難行應著毋庸置議並將理藩院咨行俄  
羅斯文底抄給閱看將此諭令知之時薩迎阿解任署伊犁將  
軍奕山塔城參贊大臣布彥泰會同俄官議定伊塔通商章程  
十七條許以伊犁之博羅胡吉爾卡倫塔爾巴哈台之烏占卡  
倫爲俄國易市場具奏咸豐元年八月二十一日奉  
旨俞允施行

又案此是爲新疆與俄國第一次訂約之始時西曆一千八百  
五十一年俄七月二十五日

伊塔通商章程十七條錄左 第一條兩國議定通商之後各  
識屬下人等安靜交易以敦和好 第二條兩國商人互相交  
易雖屬自定價值不能不爲之設官照管中國由伊犁營務處  
派員俄國專派管貿易之匡蘇勒官照管遇有兩邊商人之事

各自秉公辦理 第三條通商原爲兩國和好彼此兩不抽稅

第四條俄商前來貿易由該頭人帶領到中國伊犁博羅霍

吉爾卡倫塔爾巴哈台烏占卡倫必須有俄國執照呈坐卡官

照驗由坐卡官將人數及貨物數目聲明轉報派撥官兵沿卡

照料護送彼此不得互相刁難 第五條俄商往來均由預定

卡倫按站行走以便沿卡官兵照護 第六條俄商在中國伊

犁博羅霍吉爾卡倫外塔爾巴哈台烏占卡倫外行走倘有夷

匪搶奪等事中國概不經管自入卡倫及在貿易亭居住所有

帶來貨物係在該商人房內收存各自小心看管其駝馬牲畜

在灘牧放尤宜各自留心看守倘有丢失立即報知中國官員

兩邊官員公同查看來去蹤跡如在中國民人莊院或將行竊

之人立即拏獲盡數搜出實在原竊賊物給還外並將行竊之

人嚴行懲辦 第七條兩邊商人遇有爭鬥小事卽著兩邊管

貿易官究治倘遇人民重案卽照恰克圖現辦之例辦理 第

八條俄商每年前來貿易定於清明後入卡冬至卽行停止倘於定限之內其貨物尙未賣完聽該商人在此居住售賣完竣時由俄管貿易官飭令旋回其往來貨物駝馱如不敷二十四匹頭不准其往來行走至匡蘇勒官員或商人遇有事故專派人出卡每月只准兩次以免沿卡官兵照護之累 第九條俄商前來貿易亭居住自有俄管貿易官管束必由俄管貿易官給與執照方准前往不得任意出外如無執照者卽送俄管貿易官究辦 第十條兩邊爲匪逃逸人犯彼此均不准容留務須嚴行查拏互相送交各自究辦 第十一條俄商前來必有駝駝牲畜卽在指定伊犁河沿一帶自行看牧其塔爾巴哈台亦在指定有草地方牧放不得踐踏田苗墳墓倘有違犯者卽交俄管貿易官究辦 第十二條兩國商人交易不准互相賒欠倘有不遵定議致有拖欠者雖經告官不爲准理 第十三條俄商來往貿易存貨住人必須房屋卽在伊犁塔爾巴哈台貿



易亭就近由中國指定一區令俄商自行蓋造以便住人存貨  
第十四條俄商依俄館之教在自住房內禮拜天主聽其自  
便至俄商有在伊犁塔爾巴哈台病故者卽在伊犁塔爾巴哈  
台城外指定曠地一區令其埋葬 第十五條俄商帶來羊隻  
每十隻內官賣二隻給布一疋其餘一切貨物均在貿易亭聽  
兩國商人自行定價交易概不由官經管 第十六條兩國彼  
此遇有往來尋常事件行文時中國用伊犁將軍所屬營務處  
圖記俄國用兩邊大臣所屬營務處圖記 第十七條此次議  
定一切章程互相給與憑文中國繕寫清字四張鈐用伊犁將  
軍印信俄國繕寫俄字四張用使臣圖記中國伊犁將軍衙門  
俄使署各收存一分永遠遵行其餘各二分咨送理藩院薩那  
特衙門互相鈐用印信彼此咨換各收存一分

官廳俄人既打兵商之約其意下  
係在兵商而已將所施其拓地之謀

咸豐八年五月我與各國訂立天津條約此約係爲沿海七口通

商應屬英法爲主俄國不過援均霑之例得預其間而俄公使普提雅廷隱蓄狡謀將界約事宜攙入商約條款以內

案查俄使特於天津和約第九條中聲明中國與俄國將從前未經勘明邊界由兩國各派信任大員秉公查勘務將邊界清理補入此次和約之內其意蓋欲藉詞清理邊界爲名爲異日侵蝕地步也

查兩國訂約之時界約之權限分明不和現在兩國約能隨意改界約永守不移故也

咸豐十年我與英法失和聯軍攻陷大沽進躡畿輔

朝命恭親王奕訢爲全權大臣開議和局

案查俄廷緣此機會亟派內大臣伊格那替業福爲頭等公使馳赴北京居間作調人逆知英法志在通商非有奢願且聯軍意見不和各顧私圖無久居意俄使因得幹旋其間協贊和局外見好於中國而內實挾持爲酬索之地殆英法聯軍既退而中俄續約繼會議於北京矣

案伊格那替業福奉使命渡海赴俄里江對岸與俄使會商俄使之於此借要挾克圖密授方聯伊始川庫首領

咸豐十年十月初二日中俄兩國全權大臣會議於北京續訂條

約十五款

案查此次中俄續訂條約實爲西北勘界之張本俄國復請於俄伊塔兩城外添設喀什噶爾領事官其商民往來游歷不拘年限從前兩國通商章程自是悉廢

又案北京條約論者咸謂俄國所得利益實較英法諸國爲憂云云時西曆千八百六十年俄十一月二日茲將此項續約凡關涉新疆者撮要錄左 第二條西疆尙在未定之交界此後應順山領大河之流及現在中國常駐卡倫等處及一千七百二十八年卽雍正六年所立沙濱達巴哈之界牌末處起往西直至齊桑淖爾湖自此往西南順天山之特穆爾圖淖爾南至浩罕邊界爲界 第三條西邊自沙濱達巴哈至浩罕中間之地設立界牌之事應如何定立交界由兩邊派出信任大員秉公查勘在塔爾巴哈台會齊商辦 第五條俄羅斯國商人不拘年限往中國通商之區一處往來人數通共不得過二百人

但須本國邊界官員給與路引 第六條試行貿易喀什噶爾  
與伊犁塔爾巴哈台一律辦理在喀什噶爾中國給與可蓋房  
屋建造堆房聖堂等地以便俄羅斯國商人居住並給與設立  
墳塋之地並照伊犁塔爾巴哈台給與空曠之地一塊以便牧  
放牲畜以上應給各地數目應行文喀什噶爾大臣酌核辦理  
其俄國商人在喀什噶爾貿易物件如被卡外之人進卡搶奪  
中國一概不管 第八條俄國可在通商之處設立領事官等  
以便管理商人並預防含混爭端除伊犁塔爾巴哈台二處外  
卽在喀什噶爾庫倫設立領事官如兩國商人爭訟小事領事  
官及地方官會同查辦各治所屬之人之罪若有殺人搶奪重  
傷謀殺故燒房屋等重案查明係俄羅斯人將該犯送交本國  
按律治罪係中國人犯者或在犯事地方或在別處俱聽中國  
按律治罪遇有大小案件領事官與中國地方官各辦各國之  
人不可彼此妄拿存留查治 案新疆之設領事載在條約實

始於此查泰西各國通例領事官但於所駐在國司約束通文書時報告而止本不隸於外交官屬之內然我中國始誤於不諳外交當各國要盟之時許以領事裁判權載在盟府至今不替故凡交涉之事賓強主弱恣爲縱肆地方官吏視外國領事官如蛇蝎之螫其手誠有以也惟此項條約於東西兩邊界劃界事宜極有關係西界屬新疆東界屬黑龍江及烏蘇里江各地自署押之後俄人方注重東界未遑西畧故新疆界址尙無確定時不免侵入肆擾

咸豐十一年二月命烏里雅蘇台將軍明誼往塔爾巴哈台會同參贊大臣明緒查勘中俄西北分界事宜

同治元年八月明誼等奏陳俄人侵佔情形及開議分界辦法

案查明誼等奏畧言俄人在塔城南邊卡倫外莫多巴爾魯克等三處私立鄂博十七處當派員向該國使臣理論並委員帶同該使臣所派之人前往邊卡將鄂博折毀其北邊開齊數處

亦經該使臣允令拆毀又有俄國頭人私入伊犁邊界內設立卡倫並率領哈薩克布魯特多人馱運礮械阻我查邊之路且稱哈薩克等處爲俄國地方又查特穆圖淖爾齋桑淖爾等處均在伊塔界內若由此議分則我國原設卡倫被其包入且距伊犁之索倫錫伯營不及百里距塔爾巴哈台僅三十五里等語奏入奉

旨明誼等與俄國使臣會議時據圖剖析毋任侵佔是年閏八月明誼等奏言俄使堅執北京條約內所載西疆未定之交界此後應順山嶺大河之流及見在中國常住卡倫爲界之語另繪地圖內點紅色爲限欲將常住卡倫以外作爲應給該國之地奏入命明誼等曉以利害諭以情理不可遷就了事時俄人狡謀日迫伊犁西北博羅胡吉爾附近地方忽有俄兵三百四十人持器械礮車擅入卡倫伐木挖土伊犁將軍常清拒之加派弁兵嚴密防範是年十月俄分界大臣雜哈勞因議久不決

隱忍回國將軍常清派員以禮護送出境

案邊俄卡倫向分三等有常駐移設巡撫之分歷年不移設有定地者謂之常任卡

倫住卡官兵有時輪流替代或係多清季遷移者謂之移設卡倫或有暫時添設臨時應需謂之添設卡倫卡倫之設本爲躲避俄人私行出入初無關於界址故設卡倫手近界址不過數十里且卡倫以外如勒布什地方乾隆年間所立石碣尙存其界址海邊均係從前所給蒙古界址之地其爲中

同治二年二月明誼等復牒告俄國西悉畢爾衙門令該國分界大官約定地方訂期分路前來會議

案查是年七月俄國兵隊闖入博羅胡吉爾卡倫我索倫總管等拒阻之俄兵向我國營施放大礮旋退至斯科莫瑟地方報聞常清飭領隊大臣托克奈等督帶官兵五百人前往卡倫駐守八月俄復唆使所屬哈薩克人內犯在博羅胡吉爾地方向我兵營開放火礮火箭我軍奮勇堵禦擊却之哈薩克復糾集黨羽潛來撲營我軍用槍礮拒守受創遁去十二月明誼常清等奏陳伊犁兵單餉絀及俄人狡執遷延議約爲難情形並將分界議單咨商總理各國事務衙門核議辦理

廷諭切責之

諭曰洋務之壞皆由從前內外臣工互相推諉近來時局艱難豈可再蹈故轍若各存諉卸於奏陳摺內隱約其詞預爲將來卸責地步設因此延擱別生枝節益難收拾伊犁偶獲小勝未必可恃著明誼等於會議時卽就當時情形逕行酌辦不得遊移瞻顧動輒咨商總署以致貽誤事機

伊犁一帶因界務未清時有俄人潛入阿奇克蘇等處之屬又在呼倫貝爾所屬之豐克西里地方越界刈草經俄官等向俄官理知照令退出將牧地收回俄火心圖一處收入俄國和約內並未聲明應歸爲兩國公地俄兵看守不合平設並於塔爾巴哈台西界設立水磨飯房一處暨修築鐵路三處過經俄員向俄官據理曉諭始行折數退出

同治三年五月回匪亂作庫車綏來烏魯木齊先後失守北路各城大震伊犁戒嚴

案查是年七月和尼邁拉卡倫忽有俄兵六十餘名揚言保護游牧爲詞來卡駐紮綽羅什拜地方復有俄兵入境伐木並有俄國喇嘛僧徒前來蓋廟居住奏入

諭常清明誼等派員開導八月俄人乘伊犁擾亂強佔西北之夏博羅胡吉爾卡倫旋續派兵隊進踞冬博羅胡吉爾卡倫並



聲言欲佔取圖爾根地方奏入

諭令總理各國事務衙門照會駐京俄使據理詰讓之仍著常清督飭官兵加意防堵時明誼等以界約未定回亂日劇不得已免圖收束行文俄使准照分界議單辦理九月七日勘辦西北大臣明誼等會同俄國使臣雜哈勞在塔爾巴哈台定議兩國交界自沙濱達巴哈起至浩罕邊界之葱嶺止中間應分界址依北京條約順山嶺大河及現在中國常往卡倫爲界並訂立記約十條由兩國勘界大臣鈐印劃押互換爲憑補續北京條約自定議換約之日起過二百四十日爲兩國立界大臣訂准日期會齊分起前往建立界牌鄂博一起由伊犁往西南一起由塔爾巴哈台往東北一起由瑪尼圖噶爾勒幹卡倫往科布多一起由索果克卡倫往烏里雅蘇台均按照議定界址辦理惟當明緒定約之時回氛日熾伊犁所屬各城相繼淪陷金頂寺回衆數萬蠢起應賊俄國貿易圈地均被擾亂十月常清

獲詭遞職以明緒代之明緒奏請暫借俄兵助平回寇爲急則治標之計

朝廷以伊犁孤懸岌岌莫保不得已勉徇其請授以機宜

諭曰近年蘇浙勦賊亦參用英法兵力卽如常勝一軍雖係外國兵官教練仍隸以中國兵勇並派員會同統帶伊犁借助俄兵若能藉彼猛鷲之氣振我軍積餒之心自可事半功倍儻自強無策惟鄰國之命是聽無論未必有功卽真能奏效而主客勢殊亦屬失計明緒惟當以江浙辦法爲準慎始圖終熟籌妥辦

案此大綱

定界約其約文界所別詳如界中

同治四年六月伊塔各站城以臺站梗阻驛遞不通咨請總理衙門向駐京俄使商議假道運餉代遞文報俄使允諾

案查是年七月軍機大臣寄諭將軍明緒借助俄兵一節都中辦理殊無把握明緒辦事尙能實心如能就近與西悉畢爾衙門相商通融辦理

朝廷亦不爲遙制俄使函內有中國所欲苟爲該國所能無不允贊助之語明緒惟當斟酌情形相機商辦

同治五年正月伊犁惠遠城失守將軍明緒等死之五月塔爾巴哈台亦陷奏聞

命榮全署理伊犁將軍會同俄兵合力進取迅圖規復

案查榮全奏報伊犁失守情形並言接俄國文稱俄官不日帶兵數千名同往規復且有接應兵隊陸續前來之語

朝廷以榮全曾到俄國熟悉外情俄國既肯借兵合力進取自易集事榮全著署伊犁將軍以重事權並著與俄國兵官斟酌機宜慎籌妥辦惟俄人遷延觀望按兵不動意在乘機自取而以代我收復爲名爲要素計

案中收分界建立界線  
而博之事因以延擱

同治七年四月駐京俄使照會總理各國事務衙門請飭催將分界事宜續接辦理

案查是年七月總署奏入

上諭新疆毗連俄境前經分定界址建立界牌鄂博嗣以回氛不靖未能舉辦見俄使照會稱俄國官員擬從昌吉斯台至烏科卡倫一帶撤出中國卡兵其建立牌博一端請從速定等語分界一事既可設法辦理自應從速舉行著奎昌福濟李雲麟明瑞錫綸咨商麟與榮全等迅速會同俄官查明三年所分界址將應建牌博概行設立以固邊防旋因布倫托海大臣李雲麟罷斥分界事宜改派福濟明瑞接辦

同治八年二月福濟等奏言科布多所分之地西至瑪尼圖噶圖爾幹卡倫已包過布倫托海之西三百餘里布倫托海見無俄國可分地界

案查福濟等奏入

上切責之

諭曰瑪尼圖噶圖爾幹卡倫以東所包布倫托海之三百餘里內有無塔城管轄之地未經該大臣等詳奏如見在應分界內

有向歸塔城屬地卽係布倫托海專管之處該大臣等仍當妥爲辦理今之布倫托海卽昔之塔爾巴哈台異名而不異地不得藉詞諉卸若實無塔城屬地則該處分界之事自應歸奎昌經管卽責成奎昌悉心籌辦毋許推諉於是榮全勘辦烏里雅蘇台一路奎昌勘辦科布多一路福濟明瑞勘辦布倫托海一路榮全會同俄官遵照紅綫界址於柏郭蘇克東循塔斯克哩山分立碑博其由珠盧淖爾至沙賓達巴哈分界處所原圖所載險阻難行俄官欲改由珠盧淖爾迤北數十里唐努山之察布產上建立鄂博由此直向西北繞向沙濱達巴哈按其地址已將唐努烏梁海游牧包去大半榮全力爭之辯論數四卒依原約定界五月十五日與俄官訂立烏里雅蘇台界誌二條事  
歲奏聞得

旨嘉許

諭曰此次分立烏城地界細閱紅綫兩國圖形相符與從前原

圖紅綫均屬相合其唐努烏梁海蒙官等衆皆結稱俄國實無絲毫侵越該大臣經理此事實屬不負委任見在烏屬邊界業經立畢善後各事宜仍著榮全於回抵烏城後會同福濟等籌度舉辦科城界務是奎昌專責此時正可乘機利導迅速接辦勿稍稽延七月奎昌會同俄官巴多潤福遵照三年塔約分割限道界址地名建立科布多西北邊界牌博自賽留格木山適中之布果素克達巴哈起至瑪尼圖噶圖幹卡倫止建立完竣八月初四日訂立科屬邊界約誌三條繪圖進呈得旨報可於是烏科兩屬邊界皆定惟布倫托海尙未勘辦先是明珠奏言塔城未經克復道途梗阻無地可分請暫從緩議十月總理衙門奏近聞俄國使臣擬於塔城安靜地方從北起首先建鄂博且謂無中國大臣會辦亦可自行建立等語亟宜從速會勘庶免別生枝節奉

上諭文碩見充布倫托海辦事大臣責無旁貸著於明歲春融

馳往約同俄官將瑪尼圖噶圖爾幹至哈巴爾阿蘇一帶逐段  
查勘會立牌博布倫托海情形福濟知之最悉著該將軍悉心  
籌度商同文碩辦理十一月布倫托海辦事大臣一缺奉

旨裁撤塔城分界事宜改派奎昌接辦

山又名喀斯喀特山之巔  
有歲時祀作事有奇蹟焉

奎昌會同俄官勘定界址  
之始即奎昌又名喀斯喀特山之巔

新疆圖志卷五十四

交涉二

同治九年正月總理衙門接俄國駐京公使照會稱哈巴爾阿蘇一帶俄邊界官員已自行於交界處所立牌博四處

案查總署據情奏聞

上諭著魁昌迅卽派員先行查明該國所立牌博是否與同治三年所定紅綫相符如有被侵佔之處著卽繪圖貼說迅速奏報不得稍涉推宕貽誤大局尋勘得俄國在塔城分界地方自察漢鄂博起至哈巴爾阿蘇山嶺止共立牌博四處均尙與原約紅綫相符九月魁昌會同俄官穆魯木策傳續接建立牌博六處公同訂立塔城界誌三條鈐印互換一律告藏奏入

諭曰魁昌奏陳勘立塔城界約完竣並籌辦情形各摺辦理尙爲妥速惟塔城尙未克復附近地方別無臺卡此次立界之後俄人能否常守條約不復侵佔仍當隨時委員稽察以保無虞



先是本年五月俄國七河巡撫喀勒帕科斯克率兵進克伊犁與回匪接仗克之擒回逆頭目破拱辰入喀德下綏定而惠遠亦降於俄一月之間連戰皆克遂入踞伊犁西悉畢爾衙門電報駐京俄使俄使以告總理衙門奏入

上諭伊犁久爲賊距因關內未靖兼顧不遑今俄人進兵收復關繫甚大亟應豫爲籌畫以弭釁端榮全責無旁貸著卽馳赴伊犁會晤俄帶兵官七河巡撫將地面收回妥籌布置庶俄人無所藉口應如何派兵駐守及轉運糧餉之處並著籌議具奏七月奉

旨頒給帑銀三萬兩交榮全帶赴伊犁犒勞俄軍八月文碩探聞土爾扈特王車林拉布坦受俄人籠絡將允爲俄兵鄉導往攻瑪納斯城報聞

命魁昌文碩等設法開導阻止毋稍大意時俄人煽播流言謂中國徵集大軍欲與俄爭界因是輒益增兵備俄廷更命將軍

尼克勒夫率師駐於境上揚言防禦回寇又致書於將軍榮全會期濟師助勦回逆實則意圖進窺瑪納斯烏魯木齊朝廷洞察其謀飭各軍嚴密守備勿令東向九月榮全駐軍塔爾巴哈臺俄人欲誑入伊犁陷之以爲質全調知其詐因奏言遵

旨前赴伊犁雖有路可通第關內外正路節節阻滯孤軍深入

恐非計出萬全卒不果往

案西北界約自同治三年開辦各疆大臣分任七年始克完竣收功乃未幾而俄佔伊犁之事又復乘之而起

同治十年十二月俄七河巡撫牌告榮全訂期在那丹木克地方會議

案查榮全允之

同治十一年五月榮全與俄官布呼策勒夫斯奇會晤於色爾賀鄂普勒地方議及交還伊犁俄官但以請命俄廷爲言枝梧其詞不得要領而還

案查是時俄兵至塔境三工河灣及額米勒河一帶皆有軍隊駐守伊犁西境拱宸瞻德廣仁三城經兵燹蹂躪傾圮殆盡俄

人棄而弗守官廨廬舍墮爲平地迤東清水河塔爾奇綏定三城令漢回雜居之俄國官兵商民多萃居於惠遠熙春甯遠三城取各城堡木石營造市廛於金頂寺延袤二十里商賈輻輳號爲繁盛俄又以治屬地之法苛派中國官民按餉科賦以充兵費違則重罰繇是漢回纏哈咸懷洵懼始稍稍潰亡矣七月總理衙門照會駐京俄使申論交收伊犁之議答言俄國並無久佔之意祇以中國回亂未靖代爲收復權宜派兵駐守俟關內外肅清烏魯木齊瑪納斯各城克復之後卽當交還辯論再三俄使堅持前說不少改

同治十一年九月榮全奏報伊犁俄人見無動靜塔城俄兵業已退回彼國界內惟察罕鄂博附進有俄營駐紮盤詰東來官兵並往來沙子山及精河等處

案查是年十二月寄諭榮全俄人代收伊犁一事經總理衙門與之辯該使臣總持先議後交之說其駐兵西湖阻止官兵前

進各節詰問數四始允轉行該國詳細聲復能否照辦尙無把握似此情形斷非空言所能有濟著榮全就見有兵力妥爲布置穩紮穩進前飭英廉帶兵進紮庫爾哈喇烏蘇儻能先復瑪納斯再與景廉聯絡進窺烏魯木齊庶可挽回大局俄使又謂邊界之事須兩國邊界官員商辦將來俄官如來會晤著該將軍隨時相機辯論

是年大軍克復肅州以甘肅臣左宗棠等計籌畫定西陲之策務使張曜金順凱旋各軍分起出關迎剿大舉

同治十三年正月

上諭伊犁各城尙爲俄人佔踞耽延日久必致枝節叢生辦理更形棘手前據左宗棠奏飭各軍分期西進著金順卽馳赴古城會同景廉速將瑪納斯烏魯木齊各城克復得占先機庶可杜俄人之口實榮全一面與俄官據理辯論毋任再生事端

案查是年我關內外各軍總舉雲集聲勢聯絡軍威大振

按俄人之佔據伊犁

各城本與我強弱懸遠迥異是姑藉藉然有交臂之意矣

光緒元年三月左宗棠以欽差大臣督辦新疆軍務進駐肅州

案查是年六月俄遊歷官索思諾福詣行營見宗棠言俄皇立意與中國永敦和好故令其前來從前回逆馬海乞降納欵俄皇斥其爲賊拒之境外原俟回疆漸定卽將伊犁交還時陝回白彥虎踞古牧地瑪納斯等處回夷勾結互相援繫於是宗棠定先勦北路而後加兵南路之策

光緒二年六月劉錦棠金順會師阜康攻克古牧地賊巢乘勝復烏魯木齊及瑪納斯北城九月克瑪納斯南城北路肅清

案查北路肅清後旋卽進師南疆

光緒三年三月安集延曾帕夏窮蹙奔命仰藥自斃

案查帕夏之子伯克胡里及逆回白彥虎率餘黨竄俄境俄人納之安置於呼托瑪克地方我師移檄索取不報宗棠奏請

敕下總理衙門照會駐京俄使務遵條約將白逆等解回治罪一面移會幫辦大臣劉錦棠行文圖爾齊斯坦總督而駐京俄使布策但言已行文本國照約辦理圖爾齊斯坦總督高福滿

置不答但令阿里木臺俄官回文言此項逃人本國祇知是難民暫留養活中國既驅之來我國不便驅出且未奉本上官命令未敢擅允解回等語其狡詐有如此者復經會同伊犁將軍金順派提督殷華廷參將介洪亮知州李滋深等前赴阿爾瑪圖往商七河巡撫俄撫答言逃人窮蹙來依我圖爾齊斯坦總督不忍置之死地非敢故違條約至交還伊犁一節事體重大難以擅專俟咨商總督高滿福再行定議但此事頭緒甚繁非在總理衙門商辦恐議論多而難成且哈薩克布魯特耳目衆多交還之議一出人心動搖故未便切實相告等語皆不得要領而罷時俄人尙久踞伊犁不踐成約據察哈爾領隊探報聞有俄兵二千餘人擬在塔爾奇達巴罕之北賽里木淖爾等處安設卡倫並聞俄人之意擬自博羅布爾噶蘇大河沿哈爾塔海迤西作爲俄國邊界迤東作爲中國邊界相距精河僅止一站察哈爾牧場及屯地均被圍佔矣又將甘陝逆回三百餘人

移至綏定城中安置其無意還我伊犁已可窺見駐京俄使布策則藉口邊界交涉各案未能辦結爲詞屢事遷延宗棠病之

按宗棠之與俄商議也英法兩國皆在內以當時英俄有土耳其之爭英人欲遠安俄人以俄國官軍進境自備水師英使威靈頓致書總署爲安會館館請許乞降總署亦商宗棠未許手帕夏仰賴自樂英人恐安協延誤俄有通牒告我政府欲遷神安夷以保護立國爲詞宗棠抗疏論之略言安協延本浩罕國部之一浩罕爲俄所併安夷遠隔附英人上年官軍克復北勝英人乃爲所開請許其降而於邊境各城嚴設巡警要隘自一字不及今復以保護立國爲詞顯是西法法然安協延非無立足之地何待英人別爲立國即欲別爲立國則印度與之可也何乃索我俄境以市恩且喀什噶爾本古之疆域向與俄已接中離因我勝土俄英人請開保護與佔我邊方名城直以喀什噶爾爲始反顧有之地其意何居俄人上意納之

光緒四年三月復致書圖爾齊斯坦總督反覆開陳卒不報

案查總署以俄國邊帥不顧大局食言背約非盡由其朝廷教令使然以爲非

簡派大臣逕詣俄京商議不爲功是年六月

朝命吏部侍郎崇厚充出使全權大臣赴俄欵議俄皇電召北京使臣布策星馳回國與崇使開議於聖彼得堡布策貌示退讓還我伊犁而索我伊犁西南地段及通商設領償費諸端崇厚不審察利害輕重貿然許之先是伊犁叛回得俄人之縱庇至是恐交還被誅紛竄俄境故布策先以

恩赦爲請崇厚亦許之咨請總署奏派接收分界大臣俟定約時尅期舉辦總署奏言伊犁一事議論數年彼國無非支吾延宕今據崇使先後電信俄外部尙無推諉之詞似於交還一層微有端緒然兵費數目通商分界各節尙未明言洋人惟利是視或別存覬覦或仍懷虛詐尙未可知而目下事機彼旣近情我未便先存逆億爲交收關係綦重非熟悉邊情平時聲望素爲俄人信服者不足以勝此鉅任請於西北邊界大臣中簡派一人就近籌辦以專責成

上命錫綸馳往與宗棠金順會商妥議宗棠以謂俄國請將回人赦免准其回籍一節似專指陝回而言查此項回人係官軍克復各城後畏勦逃避俄官置之綏定城中與漢民仇怨已深萬難歸復故土現惟有遵

旨查明首要各逆盡法懲治外其餘脅從情尙可原者示諭分別辦理金順亦以俄人反覆爲慮照會俄邊官吏必俟交收伊



犁方准通商弛禁而俄國七河巡撫來文堅欲先弛禁而後交收相持不決

光緒五年六月總理衙門王大臣奏言崇厚與俄外部商議通商分界償款各事爲收還伊犁張本然該處通商章程尙未定約喀什噶爾等處地界尙未盡分兵費亦未指有確數爾俄國先求弛禁是否先存叵測抑或別挾私圖雖布策與崇厚面談時有並非因利求索之語設我將通商分界各事允其開辦彼又得步進步肆意要求中國則事難中止俄人仍藉口展延而於伊犁終屬有名無實應將通商分界償款三端盡行議妥卽將伊犁交還兩事辦理不分先後庶免疏虞請

飭崇厚左宗棠等通盤籌算照此次收還伊犁或與未收同或不  
如不收之爲愈再行詳細妥商以昭慎重疏入上深韙之

案查維時崇厚還爲俄人誘脅所訂條約十八款業有成議八月草約告成崇厚不候

朝旨徑赴黑海畫押後卽由南洋回京覆命僅將擬定條約摘要電聞總理衙門詳加覆核償費一節尙不過多通商則事多轉輾分界則弊端枚舉奏請

刺下疆臣覈議迅圖補救

諭曰崇厚奉使俄國固以索還伊犁爲重而界務商務關係國家大局自應熟思審處慮出萬全乃竟任其要求輕率定議殊不可解閱條約第七款稱中國接收伊犁後霍爾果斯河西及伊犁西南之帖克河歸俄屬第八款稱塔城界址擬稍改是於同治三年議定界內劃去西南地段不少伊犁勢處孤立控守彌難況山南要道可達南疆尤關全局第十款於舊約喀什噶爾庫倫設領事官外增出嘉峪關烏里雅蘇臺科布多哈密吐魯番烏魯木齊古城七處酌設領事第十四款并有俄商運俄貨走張家口嘉峪關赴天津漢口過通州西安漢中運土貨回國同路之語口岸過多有礙華商生計允行則實受其害先允

後翻則曲仍在我左宗棠於新疆情形瞭如指掌金順錫綸久在西北諳習邊情著一併核議密速具奏宗棠具疏極論之畧曰俄與中國陸地相連僅天山北路爲之間隔哈薩克安集延布魯特大小部落從前與準回雜處者自俄踞伊犁漸趨附之俄已視爲己有此後蠶食不已新疆全境將有日蹙百里之勢秦隴燕晉邊防因之益急彼時徐議籌邊正恐勞費不可殫言大局已難覆安也俄人佔伊犁之始謂俟我克復烏魯木齊瑪納斯卽當交還比官軍連下各城進復南疆而俄不踐前言穩踞如故且庇匿叛逆縱其黨類肆出窺邊上冬今春陝回及布魯特汗安集延條勒入犯時官軍獲賊搜有俄票訊據生擒賊口供稱由俄官驅遣四次縱賊犯邊官軍追勦未越俄界一步我之守約如此彼之違約如此尙何信義可言當崇厚聞議時俄廷首以

恩赦爲請臣卽會同金順派提督殷華廷齎示赴伊張貼俄官

七河巡撫擋之不令貼示謂應候圖爾齊斯坦總督回信比殷華廷二次復往竟阻之境外不准復入似此任意把持不獨違慢朝旨并置其君與外部諸臣成議於不顧其悖謬又如此察俄人用心殆欲踞伊犁爲外府佔地自廣藉以爲養兵之計久假不歸布置已有成局我索舊土俄取鉅資於俄無損而有益我得伊犁祗贖一片荒郊北境一二百里間皆屬俄部孤注萬里何以圖存况所議第七款接收伊犁後霍爾果斯河及山南之帖克斯河歸俄屬是畫伊犁西南地歸俄也自此伊犁四面俄部環居墮其度內固不能一朝居武事不兢之秋有割地求和者矣茲一矢未聞加遺乃遽棄捐要地譬如投犬一骨骨盡而噬仍不止目前之患既然異日之憂何極此可爲歎息痛恨者矣崇厚定議畫押十八款償費一節上年西洋新聞紙言俄國願得盧布二百五十萬元交還伊犁海上傳播未必無因此次償款忽增爲五百萬其挾詐相嘗已可概見其餘條款除第

八第十第十四各條均經總理衙門指駁外第二款中國允卽  
赦免伊民被俄官截阻肅示委員不准張貼第三款伊民遷入  
俄籍准照俄人看待意在誘民歸俄而以空城貽我與截阻肅  
示委員同一用心第四款俄人在伊犁准舊管業伊犁雖還中  
外商民雜處無界限可分何以自守至允其多設口岸不獨奪  
華商生計且恐蔓延深入縱橫自恣雖俄商貿易原無異國而  
俄人則欲藉此爲通西於中之計非僅若西洋各國祇爭口岸  
者比此外俄人容納叛逆白彥虎一節崇厚曾否與之理論無  
從懸揣應俟其覆命時請

旨確詢以憑核議臣維此次崇厚全權出使布策先以巽詞餽  
之枝詞惑之復多方迫脅以要之其意蓋以俄於中國未嘗肇  
起衅端可以間執主戰者之口當此時事紛紜

主憂臣辱之時苟心知其危復依違其間欺幽獨以負

朝廷耽便安而誤大局臣具有天良豈宜出此就事勢次第而

言先之以議論委婉而用機決之以戰陳堅忍而求勝臣雖衰  
駑無似敢不勉旃金順錫綸建議擬緩收伊犁先於沿邊喀什  
噶爾烏什精河塔爾巴哈臺四城足兵力濬餉源廣屯田堅城  
堡慎固封守而後徐圖進取金順并奏陳俄約必不可允者七  
端一謂居民入俄籍者准照俄人看待通商以來奸民久倚外  
國爲逋逃藪况新疆兵燹之餘强者誅夷悍者走險寄居伊犁  
者非懦弱良民卽漏網逆回也若復允其所請勢將舉伊犁而  
空之且逆回驕悍性成必倚俄人滋事彼將暗縱之使擾我邊  
陲顯詰之則佯爲不知去歲陝回之竄擾其明徵也二則俄人  
在伊犁治產准照舊管業彼自踞伊犁九城孰非其有興修創  
造莫敢誰何若如所議官民豈復有駐足之所彼或於形勢要  
區豫爲佔據詭託置產將驅而去之耶是謂背約抑忍而受之  
耶是謂養癰此自困之道也三則霍爾果斯帖克斯兩河流歸  
隸俄屬四則塔城界址擬稍改自同治三年定約藩籬之地已

盡爲俄有哈薩克遂爲俄民致使塔城一隅距俄邊鎮僅三十里洵所謂聚鐵九州鑄成大錯若如左宗棠之議作爲甌脫彼此不居尙可挽回萬一必如俄人之請則霍爾果斯河距惠遠城祇九十餘里帖克斯河可通南路塔城尤當其衝割讓隸俄直撥我吭而撫我背也此界務之必不可允者也五如第十款關內外七城酌設領事六如第十三款通商口岸准設行棧七如第十四款俄商運貨往來各省腹地此皆俄人祕計深謀通西於中之策若各如其所願則民之情僞彼得而知之地之險夷彼得而測之回民之反側彼得而煽之奸宄之竊發彼得而乘之是我得一彈丸不守之地而蕩然自隳其中外之防謂有病於華民生計猶淺測之論耳此又商務之必不可允者也疏先後入

上嘉納之廷臣交章劾崇厚奉使辱命貽誤大局請

旨褫職交刑部治罪從之十二月

勅下軍機總理王大臣及中外臣工會議俄約出使英國大臣郭嵩燾遵議疏陳權應之法畧言俄約貽誤無可追悔然各國遣使議約原應由其國家駁准施行是此案准駁之權仍制自朝廷總署但諭飭駐俄使臣轉達俄外部伊犁條約暫緩駁准權聽俄兵駐紮伊犁以俟續議俄人雖甚猖獗亦不能違越萬國公法以求狂逞祇此權應之一法可以稍戢俄人之志在我亦稍有以自處並條陳辦法六端一曰收還伊犁應由甘督核議庶形勝險要爲能詳知二曰遣使議還伊犁當逕赴伊犁會辦並與左宗棠商定一切三曰直截議駁伊犁條約當暫聽從其駐紮勢不能急速收回以此時獨棄伊犁與收還伊犁並處兩窮惟有申明權聽駐紮以杜其狡逞之心而仍以從緩計議稍留後圖庶自處於有餘之地而亦有餘地以處俄人四曰駐紮英法使臣不宜遣赴俄國俄京新報已言伊犁條約由英人播弄翻悔亦可窺其用心五曰處議崇厚罪名於例本無專條



宜責令報捐充餉贖罪而無急加刑以激俄人之怒六曰廷臣主戰祇一隅之見萬宜斟酌事理之平求所以自處而無急言用兵獨直隸總督李鴻章議主棄地奏言崇厚全權出使不可謂無立約之權若先允後翻其曲在我既失伊犁而復居不直之名爲各國所訕笑所失更多且彼必仍以分界修約爲詞時相促迫迫不已必生兵端中俄接壤約萬餘里防不勝防邊衅一開恐僅照現議亦不可得祇有於立法用人二者隨宜設法徐圖補救等語并請出崇厚於獄以謝俄人宗棠力駁之時朝命曾紀澤充出使俄國大臣商改條約宗棠奏曾使前往再議詞嚴義正自可折其機謀若得成議而返庶幾息事安邊事有結果儼其始終堅執辯論竭而衅端開非合南北全力慎以圖之不可請督師出屯哈密規復伊犁奉

旨左宗棠籌畫布置督師哈密一招俄約見須另議將來如何歸宿尙難逆料目前事機未定兵端固不可自我而開然固宜

先事圖維以期有備無患該大臣可於到防後相度機宜與金順等妥商調度并隨時偵探伊犁情形慎密籌辦以免疏虞於是宗棠分兵四路進規伊犁昇擲馳抵哈密俄人偵知我國有備聞我王師大出不敢勞師遠涉輕啟兵端商改條約之事漸次就範故曾使得以從容辯論保全數百里疆索還隸職方者宗棠之力也

光緒六年閏二月曾紀澤奉使俄議約之命六月馳抵俄京疏陳管見畧曰議改條約大旨不外分界通商償款三大端三端之中償款最輕通商次之分界爲重查泰西訂約通例分界必常守不逾通商可隨時修改今俄約誠受虧損然欲全約翻異雖施之孱弱小邦猶難望其就範况俄桀驁狙詐而不別予轉圜之路豈能降心相從臣愚以爲分界屬永定之局自能堅持定力百折不回商約有修改之期不妨權宜允許緩圖補救庶大端得所歸宿和局終可保全奏入

上睦之

案查奉使俄國商改條約大臣曾紀澤於是年七月呈遞國書行文俄外部遵總署奏明准駁各款摘要叙爲六條委婉開導其照原議駁改者如伊犁須全行交還塔喀兩界仍照舊址領事祇添設嘉峪關一處關外各處不能概行免稅等事其照原議允許者如嘉峪關准其通商設領張家口准俄商建行棧等事仍聲明其餘節目俟大綱商定再行磋商俄廷以爲指駁太多無可商拒之且言俄皇命遣使臣布策赴中國北京議定無庸在俄京開議詞頗決絕紀澤密電以聞

上諭著遵前旨爭重讓輕力圖轉圜總宜在俄京定議爲是紀澤呈次晤商俄外部總辦熱梅尼始收回成命仍令布策在俄開議詞後往返會商辯論至數十萬言互相爭執幾至決裂俄皇重念邦交垂二百年不願遽傷和好諭令外部無使中國爲難於無可相讓中再行退讓但此次退步後當卽定議等語外

部始不敢固執前議允將伊犁全境交還塔喀界址仍俟兩國派員秉公勘定而我亦允其添設領事通商貿易並酌增償費爲盧布九百萬圓於是界務商務償款三大端均有成議凡崇厚原約所損失者多所救正矣紀澤奏陳議約先後情形略曰俄外部送來照會兩件節畧一件第一照會言此次允改各條中國若仍不允則不得在俄再議且將外部現允商改之事全行收回第二照會言交收伊犁辦法三條節畧中則歷叙先改之事約有七端第一端曰交還伊犁之事查原約中伊犁西南兩境分歸俄屬南境之帖克斯川地當南北通衢尤爲險要若任其割據則俄有歸地之名我無得地之實遂暫舍西境不提專爭南境相持多日始允歸還然猶欲於西南隅割分三處村落其地長約百里寬約四十餘里檢閱輿圖該處距莫薩山口最近勢難相讓疊次厲色爭辯方將南境一帶地方全數來歸其西南隅允照前明詔所定之界定議第二端曰喀什噶爾界

務從前該處與俄接壤者僅正北一面故明詎定界祇言行至葱嶺靠浩罕邊界爲界亦未將葱嶺在俄國語係何山名照音譯出寫入界約今則迤西安集延故地盡爲俄距分界誠未可忽略崇厚原約所載地名按圖懸揣亦未足爲憑臣以爲非

簡派大員親往履勘不可俄外部必欲照崇厚原議者蓋所爭在蘇約克山口也臣答以已定之界宜仍舊未定之界宜另勘彼謂此事於中國有益非俄所求旣以原議爲不然不妨兩作罷論臣意界址不清則釁端易啟特假他事之欲作罷論者相爲抵制最後乃允載明各派大臣秉公勘定不言根據崇約矣第三端曰塔爾巴哈臺界務查該界經明詎魁昌分定有年迨崇厚來俄外部以分清哈薩克爲名議改定之於是輿圖已佔去三百餘里夫臣每提此事必抱舊界立論俄外部知臣必不肯照崇厚之議始允於明詎崇厚所定兩界之間酌中勘定專以分清哈薩克爲主所稱直綫自魁峒山至薩烏爾嶺者卽指

崇厚所定之界而言日後勘界大臣辦理得法或不至多所侵佔以上界務三端臣於俄外部商改之實情也第四端曰嘉峪關通商允許俄商由西安漢中行走直達漢口之事總理衙門駁議以此條爲最重諸臣工疊議商務者亦持此爲最堅蓋以我內地向無指定何處准洋商減稅行走之明文此端一開效尤踵至後患不可勝言俄外部窺臣著重許爲商改至如何商改之處則未明言及臣親詣布策寓所告以事關全局儻不見允則餘事盡屬空談詞意激切布策言於外部於是允嘉峪關通商仿照天津辦理西安漢中兩路漢及口字樣均刪去之第五端曰松花江行船至伯都訥之事查松花江面直抵吉林愛琿城定立條約時誤指混同江爲松花江又無畫押之漢文可據經臣再三商議始允將專條廢去但聲明查照愛琿舊約如何辦法再行商定第六端曰添設領事之事查領事之在泰西各國者專管商業其權遠在駐紮中國領事之下故他國願設

主國概不禁阻此次欲將各城領事刪去俄國頗以爲怪隨將中國不便之故與之說明始允嘉峪關吐魯番各設一員餘俟商務興旺時再議第七端曰天山南北路貿易納稅之事新疆地方遼濶兵燹之後凋敝益深道遠則轉運維艱費重則行銷益滯必限以行走之路納稅之章商販實多未便總署來電曾言收稅爲輕因將原約內均不納稅字樣改爲暫不納稅俟商務興旺再訂稅章以上商務四端臣與俄外部商改之實情也此外償費一端俄始索增盧布一千二百萬圓作爲俄國遣船備邊兵費繼見臣力爭並不肯認兵費之名乃易名代守伊犁之費於原約酌加盧布四百萬圓共合華銀五百萬兩左右綜上界務商務償款三大端悉心計駁與總署電示辦法大畧相同雖與從前內外臣工奏陳准駁之議不能悉合然合條約章程計之挽回之端似已十得七八當與俄外部訂立中俄和約二十條通商章程十七條俟奉

旨批准之日再行畫押其條約章程底稿並與布策竭力磋磨  
逐條辯晰於崇厚原約字句多所刪改校正矣明年正月得

旨准其畫押

崇厚原約與俄國商改條約於正設領事一署既明知各商通商而不准在此通商乃俄國  
於俄於前約之故與布策訂約下林邊多法設時俄國海軍艦隊已屯中國海面為明証我以此

分定在俄  
界之計也

同治七年正月二十六日紀澤會同俄外部尙書吉爾斯總辦熱  
梅尼前駐京使臣布策畫押於聖彼得堡

### 案查事藏奏聞

諭旨以錫綸為特派大臣會商金順接收分界事宜并派升泰  
同往按照新訂條約妥慎辦理收還伊犁善後諸事即由金順  
遴員設局隨同商辦先是新疆督辦軍務大臣劉錦棠得總署  
械知和議告成惟白逆等未聞議交恐遺邊患奏請

勅令曾紀澤再向俄國執約申論俄廷以屬國事犯堅執不允  
交還僅將白彥虎餘黨安置於托哈瑪克馬化澁餘黨安置於  
喀喇庫勒等地方永遠鋼禁將就議結是年秋錫綸以塔城初



復參贊一缺未便久懸請派大員前赴伊犁俾得迅履新任

詔許之改命升泰爲特派大臣會同金順知照俄使遵約辦理  
交收事宜限三個月辦竣民教人等均免究治有願居本處爲  
中國民或願遷居俄國者聽從其便於是邊事大定西師解嚴

臺灣自同治十年俄人入伊犁後俄使居住遼寧者十有一載派兵被上海沙俄俄局中國全力  
以注之於平定我國家中興全盛帥式臣力之時 廟堂無事於上相和協於下調兵備作使命得人從而維濟時亦  
難哉然不可謂非中國  
外交平定之光榮也

新疆圖志卷五十五

交涉三

改訂伊犁通商條約

康熙十七年  
通商事宜  
不片錄

第一條 大俄羅斯國大皇帝允將一千八百七十一年即同治十年俄兵代收伊犁地方交還大清國管屬其伊犁西邊按照此約第七條所定界址應歸俄國管屬

紀澤案崇使原約收回伊犁之地廣二百餘里長六百里紀澤添索伊犁南境要隘各地廣二百餘里長四百里

第二條 大清國大皇帝允降諭旨將伊犁擾亂時及平靖後該國居民所爲不是無分民教均免究治免追財產中國官員於交收伊犁以前遵照大清國大皇帝恩旨出示曉諭伊犁居民

第三條 伊犁人民或願仍居原處爲中國民或願遷居俄國入俄國籍者均聽其便應於交收伊犁以前詢明其願遷入俄國者自交伊犁之日始予一年限期遷居攜帶財物中國官並不攔阻

紀澤案應於交收前詢明下紀澤欲添由俄官發給執照一語  
吉爾斯布策堅不肯添云係交收伊犁時瑣事可歸另牘辦理  
又原約並不攔阻以下有其已入俄國籍之人將來至中國游  
歷貿易凡有兩國條約與俄民利益之處亦准一體均霑數語  
紀澤力爭十餘次吉爾斯乃允刪云

第四條 俄國人在伊犁地方置有田地者交收伊犁後仍准照  
舊管業其伊犁居民交收伊犁之時入俄國籍者不得援此條之  
例俄國人田地咸豐元年伊犁通商章程第十三條所定貿易  
圈以外者應照中國人民一體完納稅餉

紀澤案原約但稱俄國人不分新舊大有流弊伊犁居民遷入  
俄籍乃得管伊犁之田地甚不妥也此數語於將寫約時始爭  
得之

第五條 兩國特派大臣一面交還伊犁一面向接收伊犁並遵照  
約內開繫交收各事宜在伊犁城會齊辦理施行該大臣遵照督

辦交收伊犁事宜之陝甘總督與圖爾齊斯坦總督商定次序開辦陝甘總督奉到大清國大皇帝批准條約將通行之事派委委員前往塔什干城知照圖爾齊斯坦總督自該員到塔斯干城之日起於三箇月內應將交收伊犁之事辦竣能於先期辦竣亦可第六條 大清國大皇帝允將大俄國自同治十年代收代守伊犁所需兵費並所有前次在中國境內被搶受虧之俄商及被害之俄商家屬各案補卹之欸共銀盧布九百萬圓歸還俄國自換約之日起按照此約所附專條內載辦法次序二年歸完

紀澤案添所有前此及各案字則一百九案可作爲全結漢文似不著重法文則甚切實

第七條 伊犁西邊地方應歸俄國管屬以便因入俄籍而棄田地之民在彼安置中國伊犁地方與俄國地交界自別珍島山順霍爾果斯河至該河入伊犁河匯流處再過伊犁河往南至烏宗島山廓里札特村東邊自此處往南順同治三年塔城界約所定

舊界

紀澤案添因入俄而棄田地八字以與第四條相應

第八條 同治三年塔城界約所定齊桑河迤東之界查有不妥之處應由兩國特派大臣會同勘改以歸妥洽並將兩國所屬之哈薩克分別清楚至分界辦法應自奎峒山過黑伊爾特什河至薩烏爾嶺畫一直線由分界大臣就此直線與舊界之間酌定新界

第九條 以上第七第八兩條所定兩國交界地方從前未立界牌之交界各處應由兩國特派大員安設界牌該大員等會齊地方時日由兩國商議酌定俄國所屬之費爾干省與中國喀什噶爾西邊交界地方亦由兩國特派大員前往查勘照兩國現管之界勘定安設界牌

紀澤案以上塔爾巴哈台喀什噶爾兩處分界之事最爲緊要似宜由勤明剛正通達和平之大員細意履勘乃能妥洽

第十條 俄國照舊約在伊犁塔爾巴哈台喀什噶爾庫倫設立領事官外亦准在肅州及吐魯番兩處設立領事其餘如科布多烏里雅蘇台哈密烏魯木齊古城五城俟商務稍興旺始由兩國陸續商議添設俄國在肅州及吐魯番所設領事官於附近各處地方關繫俄民事件均有前往辦理之責按照一千八百六十年北京條約第五第六兩條應給予可蓋房屋牧放牲畜設立墳塋等地嘉峪關及吐魯番亦一律照辦領事官公署未經起蓋之先地方官幫同租覓暫住房屋俄國領事官在蒙古地方及天山南北兩路往來行路寄發信函按照天津條約第十一條北京條約第十二條可由臺站行走俄國領事以此事相託中國官卽妥爲照料吐魯番非通商口岸而設立領事官各海口及十八省東三省內地不得援以爲例

第十一條 俄國領事官駐中國遇有公事按事體之關繫案件之緊要及應如何作速辦理之處或與本城地方官或與地方大

憲往來均用公文彼此往來會晤均以友邦官員之禮相待兩國人民在中國貿易等事致生事端應由領事官地方官會同查辦如因貿易事務致起爭端聽其自行擇人從中調處如不能調處完結再由兩國官員會同查辦兩國人民爲預定貨物運載貨物租賃舖房等事所立字據可以呈報領事官及地方官處應與畫押蓋印爲憑遇有不按字據辦理情形領事官及地方官設法務令依照字據辦理

第十二條 俄國人民准在中國蒙古地方貿易照舊不納稅其蒙古各處及各盟設官與未設官之處均准貿易亦照舊不納稅並准俄民在伊犁塔爾巴哈台喀什噶爾烏魯木齊及關外之天山南北兩路各城貿易暫不納稅俟將來商務興旺由兩國議定稅則即將免稅之例棄廢以上所載中國各處准俄民出入販運各國貨物其買賣或用現錢或以貨相易俱可並准俄民以各種貨物抵帳

第十三條 俄國應設領事官各處及張家口俄民建造鋪房行棧或在自置地房或照一千八百九十五年卽咸豐九年所定伊犁塔爾巴哈台通商章程第十三條辦法由地方官給地蓋房亦可張家口無領事而准俄民建造鋪房行棧他處內地不得援以爲例

紀澤案崇約添領事者七處所謂應設領事各處嘉科烏哈吐烏古七處也此次商改僅先設嘉吐兩處則除張家口外可添造鋪房行棧者僅有嘉吐兩處吉斯爾布策謂應設包科烏吐烏古哈六處而言紀澤力持不允而欲將應設改爲已設俄亦不允最後彼此相讓布云俄商無大資本斷不處處添設行棧紀澤云張家口未允行棧時俄商租房存貨亦甚方便將來各嫌科布多烏魯木齊路遠無存貨之地不便於商仍可與總署商酌設法云云科烏兩處祇要不明言設大行棧似宜通融而寬待之



第十四條 俄商自俄國販貨由陸路運入中國內地者可照舊經過張家口通州前赴天津或由天津連往別口及中國內地並准在以上各處銷售俄商在以上各城各口及內地置買貨物運送回國者亦准由此路行走並准俄商前往肅州貿易貨物至關而止應得利益照天津一律辦理

第十五條 俄國人民在中國內地及關外地力陸路通商應照此約所附章程辦理此約所載通商各條及所附陸路通商章程自換約之日起於十年後可以商議酌改如十年限滿前六箇月未請商議應仍照行十年俄國人民在中國沿海通商應照各國總例辦理如將來總例有應商改之處由兩國商議酌定

第十六條 將來俄國陸路通商興旺如出入中國貨物必順另定總則較現在稅則更爲合宜者應由兩國商定凡進口出口之例均按值百抽五之例定擬如未定稅則以前應將現照上等茶納稅之各種下等茶出口之稅先行分別酌減至各種茶稅應由

中國總理衙門會同俄國駐京大臣自換約一年後會商酌定

第十七條 一千八百六十年卽咸豐十年在北京所定條約第十條至今講解各異應將此條聲明其所載追還牲畜之意作爲凡有牲畜被人偷盜誘取一經獲犯應將牲畜追還如無原物作價向該犯追償儻該犯無力賠還地方官不能代賠兩國邊界官應各按本國之例將盜取牲畜之犯嚴行究治並設法將自行越界及盜取之牲畜追還其自行越界及被盜之牲畜蹤跡可以示知邊界兵並附近鄉長

第十八條 按照一千八百五十八年正月十六日卽咸豐八年在愛琿所定條約應准兩國人民在黑龍江松花江烏蘇里河行船並與沿江一帶地方居民貿易現在復爲申明至如何照辦之處應由兩國再行商定

紀澤案布策擬法文專引俄民在松花江行船紀澤力爭仍引兩國人民在黑龍江松花江烏蘇里河行船庶不至爲俄增一

駐脚

第十九條 兩國從前所訂條約未經此次更改之款仍照舊行  
第二十條 此約奉兩國御筆批准後各將條約通行曉諭各處  
地方遵照將來換約應在森彼得堡自畫押之日起以六箇月爲  
期兩國全權大臣議定此約備漢文俄文法文約本兩國畫押蓋  
印爲憑三國文字校對無訛遇有講論以法文爲證

謹案此約第十條所載肅州卽嘉峪關

光緒八年七月總署奏言新約畫界約分三段屬伊犁邊境爲中  
段屬科塔爲北段屬喀什噶爾爲南段定約時中段爭論最久故  
界址釐然按圖可索南段言明以兩國現管之地勘分亦尙直截  
惟北段約載自奎峒山過黑伊爾特什河至薩烏爾嶺畫一直綫  
由分界大臣就此直綫於舊界間酌定新界是此段界址顯有出  
入之處履勘議分稍失詳慎棄地貽患關繫匪淺請  
勅分界大臣迅速履勘酌中定議

案查總署未奏以前科城邊界金順請飭科布多幫辦大臣額爾慶額參贊大臣清安會同俄官就近勘分清安等旋會奏科境牧地舊口劃讓於俄者已十分之六僅存烏梁海所屬哈巴河阿爾泰山一帶蒙哈人衆就牧營生若再行分割必至無地行牧人心驚惶誠恐滋釀事端金順寄到地圖所繪地名與新舊圖說核對不符其名奎峒山者或係科屬阿爾泰山此山綿亙數千里爲科塔兩城屏蔽俄人巧爲含混欲圖踞高臨下扼我要區名曰黑伊爾特什河者或係科屬額爾吉斯河此河流逕逼俄境遠達黑龍江彼若據爲連道一有緩急兵可衝波而至名曰薩烏爾嶺者或係塔屬霍博克賽里山此山爲塔城門戶與科界唇齒相依若分割歸俄不惟科塔隔絕且有覬覦瑪納斯古城之勢况哈巴河及布倫海分屬俄界彼將據水陸要津縱橫四達竊恐地利一失邊禍無窮况新約並無科城名目舊時牌博久已分定豈宜另有勘改疏入得

旨科塔界務崇厚貽誤於前曾紀澤力爭於後既定新約祇可就原圖應勘分處力與指辨至圖中黃綫以西蒙民哈夷約有若干應如何安插撫恤著升泰馳赴科布多與清安額爾慶額會商金順辦理額爾慶額等當委協領貴祥馳赴烏梁海查明黃綫以西蒙民男婦約七千餘哈民男婦約二萬餘將安撫恩旨愷切宣布人心稍定清安念彼族甚蕃本非科轄既不歸塔科必有以撫之否則終歸於俄恐貽邊患奏請先將東面蒙哈遊牧地段節次騰移均勻安插倘狹隘不敷棲止容再設法辦理得

旨允行是年九月哈密幫辦大臣長順會同俄國分界大臣佛哩德勘分伊犁中段界約告成自伊境西南那林哈勒噶山口起至東北喀拉達坂止建立界牌鄂博三十三處其間霍爾果斯河西索倫右翼四旗營地劃隸俄境旅營官兵籲求向俄官磋商將營地收回俱免失所金順據情入告

敕下曾紀澤議之紀澤覆奏俄約已互換頒行卽宜彼此堅守  
不生異議今劃定之地更議索還俄人勢必不允徒使通融商  
改之端自我而開似於大體有礙若由分界大臣就近婉商或  
以他處隙地互換卽使俄官不受商量尙不致牽涉約章於是  
改議將族兵遷回伊犁擇地安插事乃定長順又檢查同治三  
年中俄界圖距那林東北百餘里之格登山明誼訂約時已劃  
歸俄壤按此山當乾隆二十年勘定準夷

高宗勅建御碑勒銘紀勳於其上長順深懼淪胥因結營山下  
與俄官委婉商論始允自帖克斯河劃格登山一隅復歸於我  
新約第七條所載烏宗島距廓里札特村五十里島之東北多  
錫伯營屯田水源在其上游俄官欲由烏宗島劃分屢經辯爭  
始由廓里札特之東杜拉圖村西境中間小山分界西北過伊  
犁河入霍爾果斯河兩河沿居民東屬中界西屬俄界以河流  
爲兩國公水均依總署頒行約圖詳勘畫分於是伊犁中段之

界適定是年塔城參贊大臣錫綸以中俄積案甚多從前俄人佔我伊犁卽藉詞各案未能清結延宕不交至光緒七年重訂條約償以盧布九百萬圓始作爲全結錫綸有鑒於往轍行文俄國七河巡撫商定清理積案辦法由中俄兩國公同派員審訊共結案七十六起是爲第一次初辦司牙孜之始然尙屬試行未爲定例也

又按新疆緣邊數千里處處與俄疆毗接蒙回纏哈種類萬殊而俄纏俄哈又復錯雜其間隨牧移徙向背靡常無國籍之可考無宗法之可稽其服飾則無標幟以爲辨別其貿易則無契約以爲質劑殺人越貨者以鄰境爲淵藪爭財攘產者託外籍爲護符以故交界隙壤竊攘馬牛爲逃臣妾之事月不絕書窮奇譎張不可以常法治况牽連交涉急則生變緩則長奸雖善聽斷安所措手是以案牘纍纍莫可爬梳法窮則變乃生法外之法焉則中俄官吏會識積案所稱爲司牙孜者是已案司牙

攷之名譯爲清理積案之義其辦法由中俄兩國邊吏將歷年積案彼此互相知照凡俄屬哈薩克越我邊境搶劫經人控告之案由我交涉局造冊咨送俄領事官若中屬哈薩克越俄邊境搶劫者俄官亦造冊咨送伊犁將軍塔城參贊及各通商衙門預備傳集兩屬人證約定日期擇交界適中之地兩國各派官員前往會同審訊不用中俄法律依哈薩克舊俗持經設誓以判曲直曲者則責令賠償銀物或牛羊馬匹而直者取贖焉其戕殺劫掠在逃未獲之案則兩國官吏各視其案之多寡互相抵除作爲了結若案少不能相抵則議給償欸皆有定章照章辦理俄國官吏往往虛張其數恃強欺詐不可究詰然自會識以來亦彼此互有贏縮大率償欸多者不過一二萬金少者僅及千金經一次清理訊結之後無論何屬人民均不得違章瀆控故從前中俄交涉糾結紛爭之事自舉辦司牙攷後漸歸平復就我範圍此則中俄兩國治理領土之特別法律也



光緒九年夏六月科屬蒙哈游牧安插既竣升泰會同清安額爾慶額與俄分界大臣巴布淵福撤伏策福等據原繪圖綫逐段履勘西北科塔界址

案查俄官欲以喀巴河下游迤西之畢里克河劃界喀巴河源居奎峒山上游畫若鴻溝失之則與敵共險升泰往復爭辯旬日之久始允退至阿拉喀別克河爲界然細勘奎峒形勝與阿爾泰山腹背相連若不爭回喀巴河源則奎峒失其險要科塔之藩籬盡撤因復相持久之得移至喀巴河源爲界奎峒山仍歸中土七月升泰等復與俄使照新綫圖約逐段丈量循奎峒西至新界又由新界北首起順至西南薩烏爾嶺及穆斯島止覈計里數均與原圖黃綫相符兩國於畫定交界處建立牌博議訂科屬界約五條鈐印互換以明信守升泰遂於七月中旬過額爾齊斯河南勘分塔界因哈薩克游牧節節逼近俄疆恐俄繞越與俄使斐哩德商定安插哈屬辦法歸中歸俄祇隨民

志塔城西南巴爾魯克山其下平原塊莽水草豐腴案同治三年舊界山外正西一帶平地尙屬中國此次新約直剖平地之半隸俄俄使謂山內所駐哈薩克亦應屬俄又以哈族蕃衆驟難遷徙遂有租借巴爾魯克山十年之約九月升泰與俄使訂明牌博界址並派員會同俄官噶必丹鐵開米諾夫由南山伊犁交界之喀拉達坂土斯賽溝口起北至布爾罕布拉接哈爾巴素舊界止共建牌博二十一處訂爲界約七條復委員逐段詳勘核與新約圖綫相符於是西北科塔之界亦定是時喀什噶爾南段尙未定議先是八年九月巴里坤領隊大臣沙克都林札布勘分南段會同俄官從東北境勘起自納林廓勒河卽那林哈勒噶河過木雜爾特達坂又名穆匝爾特達坂順天山迤西罕騰格爾極高頂上接薩瓦布齊又名薩瓦巴齊至喀伊車山及庫庫爾圖克山溝爲界中間各達坂險峻難登未建牌博均指天山中梁爲界勘至別牒里山又作別疊里山卽於南

而陡崖貢古魯克山口兩邊相距二十二丈五尺建立牌博西北屬俄東南屬中几天山斷處由西北流過河水照約不許改截源流復從別牒里轉入烏什之烏奇山時已十月天氣嚴寒不能履勘因就勘定東北各境先行訂立界約四條鈐印互換議俟來年五月再行會勘南界督辦軍務大臣劉錦棠詳覈此次東北界約以俄人侵佔烏什之貢古魯克山口阻斷南疆通伊犁徑路關係甚鉅抗疏論之略曰伊犁通南疆捷徑有四一自那喇特卡倫經珠勒土斯察罕通格兩山以達喀喇爾河一由穆索爾達巴罕渡帖克斯河踰冰嶺以達阿克蘇之札木台一出伊克哈布哈克卡越貢古魯克達坂以達烏什一出鄂爾果珠勒卡倫踰善塔斯巴爾彈兩山渡納林河以達喀什噶爾然喀喇沙一路曠廢已及百年納林河道早非有我均可無庸置議阿克蘇冰嶺峭壁深流艱險萬狀下月層冰圻裂猿狙愁攀惟貢古魯克一路居南八城之中爲南北相通第一津要遠

在界綫以外新舊條約班班可考按塔城舊約載伊犁南界過那林廓勒河由特穆爾圖淖爾南之罕騰格爾薩瓦布齊貢古魯克喀克善等山統名曰天山之頂是約載之貢古魯克明與罕騰格爾諸山連類而及且申言天山之頂其確指貢古魯克山頂而言非指烏什之貢古魯克山麓而言義至明也今所換界約凡貢古魯克以上各山通指天山中梁爲界何以獨貢古魯克山口至別牒里之達坂路兩邊相距二十二丈五尺又復埋立中俄兩國牌博直侵佔至阿克蘇上流之畢底爾河源俄人之自相矛盾居心叵測已可概見若不趁劃分未定按約索還則現隸烏什之奇里克胡什齊兩布魯特部落勢必自撤藩籬終歸俄有而南北隔絕伊犁勢成孤注雖得帖克斯川猶之未得矣並請

勅下總理衙門向駐京俄使據理按約與之辨論撤去貢古魯克及別牒里達坂路所立界牌所有南段界務應照此次中界

所定格登山紅綫循格根河順喀什噶爾西邊行至葱嶺倚浩罕界爲界中間應行勘分處支節繁多務須責成分界大臣恪遵新約力與指辨勿稍遷就得

旨令曾紀澤與俄國原派大臣原始要終以重邦交而清邊界必兩昭明信而後已紀澤覆奏曰伏查南疆界務東北一段牌博已立而重加履勘較之勘分未定而事須商論情形不同若其牘與爭恐措詞難於得體又恐彼國視爲已得之利不謂理所應讓顧乃從而市惠藉端要求別生枝節現經臣與俄外部大臣吉爾斯面談數次復具函牘請飭分界俄官重加履勘照天山騎嶺劃分之議將越佔之處按約歸還俄外部雖允行文飭查能否辦到則猶未敢深信九年正月上添派長順會同沙克都林札布查照錦棠所奏妥慎辦理長順旋奏幫辦軍務大臣張曜沈毅有謀留心邊事請  
勅就近籌議藉資討論得

旨允行五月長順行抵烏什察閱沙克都林札布咨送勘分界圖詳細覈對與總署原頒圖約大致相符復率同原立界牌委員躬親履勘旋覆奏曰錦棠原奏別牒里卽畢底爾山口達坂路卽烏什之貢古魯克卡喀由於圖載地名音譯互異以致誤會至貢古魯克北通伊犁之路懸崖峭壁險阻異常偶有土人行走亂後路爲賊毀人跡罕到卽歸我有無裨大局矧在天山之陰紅綫之外彼族譎詐安肯聽從至南北往來僅冰嶺一路可通惟艱險萬狀且密邇俄境梗阻堪虞此外尙查得喀喇沙爾由草達坂珠勒土斯山直達伊犁可通車轍前此俄人設卡防守原屬伊犁腹地居南北之中亟應疏通以期便捷現已咨商劉錦棠派員確查如果能開闢暢行則貢古魯克界外屬俄之路似不必遽起爭端徒失和議沙克都林札布與俄使咩登斯格辦理妥協不若由其始終經理以免紛歧疏入得

旨報可於是沙克都林札布仍會同俄使從烏什別牒里山迤

西之路克善山起至喀什噶爾南境之烏什別里一帶逐段履勘再由蘇約克山轉向喀境之西按照圖約分立牌博訂爲界約六條時張曜建議言塔城舊約載明至葱嶺靠浩罕界爲界今俄官欲照圖繞過克則勒蘇河在伊爾克什坦立界其地處天山以內平原曠衍既不沿葱嶺亦不靠浩罕實與條約不符現管之帖列克達灣係葱嶺正幹與西南現管之界同一山梁山陰皆浩罕舊地爲今俄國費爾干省之界中間克則勒蘇至伊爾克什坦一帶係喀屬岳瓦什布魯特牧地水草旣饒道路又近部衆賴以營生宜竭力爭回以資保障因會同沙克都林札布按約指辯時俄使因病將起程回國張曜當咨商金順劉錦棠會奏請

敕下駐俄使臣向俄外部商推俟議定在帖列克達灣建立牌博再行換約

上諭著總理衙門覈議具奏時長順接張曜咨送輿圖說帖於

總署官於圖內紅綫外添畫一綫稱係現管地方必須爭回卽會沙克都林札布由別牒里山順中梁祭明紅綫並照現管勘至帖列克屯木倫一帶俄官堅不允於此處畫分仍請照紅綫在伊爾克什坦立界爭論多日相持不決按現管之界有三一喀喇多拜在帖列克提達坂迤北綫外八十餘里係天山之陰一帖列克達灣東南綫外約百餘里皆距紅綫甚遠勢難力爭若不從速定約又恐別生枝節覈實奏陳總理衙門遵

旨覈覆亦頗主長順之議奏言長順議覆查勘伊爾克什坦界綫外並無游牧間有子遺布民均住卡倫附近地方現將長順張曜各呈地圖與新舊紅綫各圖詳核大致相符惟音譯方位差有歧異按伊爾克什坦海舊圖不載新圖正依紅綫界限長順所奏不誤其帖列克一處張曜謂在喀城極西新圖列在紅綫界外其屯木倫一處卽在帖列克南新圖未載舊圖則兩處地名皆無惟載迤西喀喇庫里湖與各圖同卻在紅綫之內新



舊紅綫不符若此至喀喇多拜一處新舊圖均不載且在喀城之北紅綫以外無可與爭更無庸置議揣曾紀澤定約時或因新圖不無縮入又知克復喀城佔得安集延遺地有邊界展寬之說故約內添西邊以現管爲界一語預留地步既以現管爲界自可不拘定紅綫况帖列克屯木倫二處確在喀城之西原可力爭張曜所陳不爲無見但查新約卡倫單確有伊爾克什坦名目既指爲入口之路於此分界理亦甚長竊意俄官必明知地圖稍有展進之處故不肯以現管爲界而堅以紅綫爲憑爭之誠恐不易長順所慮遲不換約恐俄人別生枝節亦係實情等語然猶恐帖列克達灣或係西邊要隘岳瓦什種人割讓牧場或慮失所仍奏請

敕金順劉錦棠就近確查熟籌利害金順接沙克都林札布咨稱帖列克達灣在喀城極西距紅綫界外二百餘里僻處荒隅實非要隘而伊爾克什坦載在新約卡倫單設卡置兵以謹出

入依此立界險要固猶未失岳瓦什種人均在紅綫內之烏魯克恰提游牧當履勘帖列克達灣時曾招其部長隨行如果係其牧場自必指明地段求爲爭回乃追隨日久從未言及則非其部衆牧地可知因覆奏言南疆界務經特派大臣會勘幾經磋商始得照圖綫立界邊隅片壤未便再招俄使重勘徒費周章轉致有礙大體劉錦棠亦奏岳瓦什部衆不蕃而牧地延袤尙未至於失所伊爾克什坦亦非要隘長順沙克都林札布迭與俄官爭辯實已心力交瘁似不必以爲遠一隅轉礙邦交先後奏奉

俞旨是時俄使昨登斯格已請假回國沙克都林札布亦還至

喀什噶爾

先是平定等與俄官議訂約同時到口二約曰等也河上約曰阿拉穆特河口的編譯的文人地

又伊爾克什坦地方官書作伊爾克什他木

光緒十年四月委員齎送新訂圖約赴俄國爲什地方簽押互換校勘無訛當將新約界圖進呈

御覽

案查是年喀什噶爾南段界務亦定而英國與我新疆之交涉接踵而生是年英俄有阿富汗之爭兩國各簡使臣議分阿界久而後定英人復思兼據我藩屬坎巨堤回部坎巨堤者本舊之乾竺特一統與圖作喀楚特居葱嶺東南近喀什噶爾南界距莎車府西南約二千里與娜格爾隔水相望爲阿富汗南部屏蔽其地廣袤數百里居民萬戶乾隆時向服屬中國歲貢沙金一兩五錢同治九年始潛附於克什米爾英人既取阿富汗又得克什米爾爲保護國阿思得坎巨堤以杜俄人南侵而保北印度門戶英國印度總督藉詞助坎防務歲貼經費隱干涉其政權坎民貧而多盜坎酋復縱使侵掠鄰境英人頗有責言於是浸肆其侵佔之手段矣

又案中俄沿邊界務自是大定蓋自同治三年明誼訂約以來中俄交涉之局至此爲一大結束惟查此次所定界址考之樂

養齋叢刻鄒沅帆中俄界記知爲失地不少查西北科塔界務同治九年所定實自瑪呢岡噶爾勒干始光緒九年割去烏勒昆烏拉斯圖河以西一段惟肯德爾利克河源至哈巴爾阿蘇尙仍其舊又伊犁中段界務自匡果羅鄂博向西往南至達拉圖河口本同治三年舊界因該處地極膏腴俄人與崇厚訂約時藉棲住屬回爲名割去光緒七年商改條約曾紀澤爭之不得而光緒八年長順會同俄官勘界又未能按照光緒七年所訂條約辦理伊犁以南又割去數百里又喀什噶爾南段界務自納林廊勒至圖永山口一段沅帆鄒氏曰此界與同治三年舊界合否世無論者予細讀同治三年舊約又得明証所定界圖知此界失地爲不少同治三年約第三條云過那林哈勒哈河卽納林廊勒水靠天山嶺爲界自此往西南分斷回子部落布魯特部落住牧之處由特穆爾圖淖爾南邊之罕騰格爾薩瓦巴齊貢古魯克喀克善等山統曰天山之頂行至葱嶺靠浩

罕界爲界等語夫既曰天山之頂必指自天山至葱嶺之正幹而言斷非天山西南之支阜可知既爲天山至葱嶺之正幹則凡正幹以南流入中界之水皆應屬之中國可知則此界之渡阿克蘇河渡札那爾特河渡阿克賽河是各水發源之地皆劃在界外矣查明詎界圖諸水源均包在界內是知同治三年實以天山正幹爲界當自汗騰格里山巔迤西至納林廓勒出口卽循鐵列克山脊卽善塔斯嶺至別牒里山口又轉而循廓克沙里嶺阿特巴什山至圖永阿特巴什此天山之正幹與葱嶺相接者同治三年明詎所議卽以此爲界後沙克都林札布與俄官分界時不辨山之餘支水之方向又未細察明詎舊圖貿然從事以致此段割去數十百里之地又自圖永山口至烏孜別里係爲中俄分界之尾末查光緒七年曾紀澤與俄外部訂約時俄人以界當南止於瑪里他巴爾山謂逆回阿古柏夙許之也曾紀澤不允所請云崇厚約內所未有之地斷不能增俄

人無詞乃光緒十年約自伊爾克什坦別爲一條蓋以當事者未能守七年條約所云照兩國現管之界勘定復於伊爾克什坦之南引長二百餘里至於烏孜別里於是俄屬之費爾干省疆域漸推而南侵佔我回部之地愈多矣並考宣統二年中俄擬改訂條約新疆外交調查報告表載自蘇約克以西與俄費爾干省交界地段查界約內載中國界綫自烏孜別里山直向正南俄國界綫轉向西南等語緣沙克都林札布與俄官不甚浹洽其所履勘各界僅至以克則克達坂於瑪爾塔巴河烏孜別里等處因彼此扞格並未親歷其地一切界址悉由俄人指定是其劃界之先已豫謀侵佔此段地界並欲將大小帕米爾均爲包裹早伏其機於約文內自烏孜別里轉向西南數字之中乃俄人於光緒十年分界之後卽於伊爾克什他木河東岸築壘駐兵時值兩國派員會勘修補牌博經我國所派王委員豪按約辯論反覆再三責詢越界築壘之意而俄員破六啟二

斯格則謬稱該處爲瑪爾塔巴勒河指水劃山百端狡賴未能  
辦結乃俄使以喀費交界牌博均已修畢至依爾克什他木河  
中國官員不照舊修補等詞照請總理衙門來文謂喀邊全界  
牌博久已竣工不必因一隅之地更張全局始經定議在於伊  
爾克什他木河東岸另立牌博遷就了事此後喀費交界卽以  
該處爲止境而以克則克等處竟讓俄佔據非復中國之所有  
矣云云查此次勘分新界我廷臣疆臣往復辯論不下數十萬  
言然案以上所載卽照同治三年明誼舊約棄地猶爲不少殆  
亦我國士大夫不明地理之故歟特併附記於此以備考證  
光緒十一年新疆開設行省商貨流通俄人於我東方商務極力  
經營駁駁進步

案查俄人西道通商基始於咸豐元年伊犁訂約之時而大盛  
於光緒七年改訂條約以後其間分爲三道阿爾泰山東北爲  
東道烏里雅蘇台科布多屬焉天山以北爲中道伊犁塔城烏

魯木齊古城哈密屬焉天山以南爲南道吐魯番烏什阿克蘇喀什噶爾屬焉三道皆有俄商蹤跡而載在條約劃有貿易圈地者惟伊犁塔城烏魯木齊喀什噶爾四處然烏魯木齊至光緒二十一年始闢有貿易圈地伊塔則於咸豐元年訂約以後卽設貿有易市場迨經回匪之亂俄人代我收復伊犁卽於距城東一二里之金頂寺闢爲貿易商場營造市廛宏敞富庶鱗次櫛比號稱繁盛爲各城冠其伊犁領事卽駐於甯遠城外塔爾巴哈台舊於漢城西北隅劃分貿易圈建造市場領事駐焉後以回亂舉燼於火至光緒九年更於城東北陬闢新貿易圈喀什噶爾設領通商雖成約最先然自咸同以來迭更回亂未遑建置遷延至光緒八年冬十月始設領事署於喀什城北猶未劃分貿易圈地俄商但就北關僦廛市與民雜居而已俄人以光緒七年條約准其在伊犁等處及天南山北兩路各城貿易暫不納稅之文視新疆爲無稅口岸奔走僭來如水赴壑進



口貨值由二十餘萬驟增至百二三十萬先是劉錦棠以條約載明俟將來商務暢旺由兩國議定稅則卽將免稅之例棄廢於光緒八年夏奏言新疆各城久已設局抽釐商貨必須查驗始准銷售今俄商運貨進卡如至新疆有局地方應請查驗蓋用戳記方可行銷如未銷完運赴他處亦應將銷過貨物開單呈驗蓋戳放行續至有釐稅之處亦如之倘貨照不符送交俄官區處以杜包庇販運諸弊條約又載俄商辦運中國土貨由恰克圖及新疆回國特將回國二字標明在中國途間當逐道查驗以防夾帶私貨原無准其沿途銷售之理就令已運出卡亦不得由陸路復運進卡詳攷舊章有由海口辦運中國土貨復運內地稍售之說從無自俄販運中國土貨由陸路復進口內銷賣明文凡新約所未改者皆當照舊遵行俄商不知此往往將中國土貨復運進口雖經在事各員頻令折回似仍於義未曉華商完釐次數多而成本重俄商完釐次數少而成本輕

詎可任其運銷妨害華商生計請

敕下總理衙門照會駐京俄使將和約條例宣告該國商民一體遵守幸勿再誤反致折耗旋總署有新疆初開商務請暫行普免釐稅之奏奉

上諭新疆設卡徵釐藉資軍食現在俄貨暫不納稅而內地華商及各部回哈人民仍令照章完納未免苦樂不均且恐弊竇叢生有名無實況沿邊人衆尤宜廣其生路以示招徠所有進出卡倫貨物往來新疆各城貿易者著概行暫免釐稅俟商務興旺照約議立稅則再復舊章錦棠遂將釐稅局卡一律裁撤惟本地土產如金銅牲畜等課額照章交納是年建設行省布政使魏光燾詳請興復稅務始設局哈密古城抽收百貨入稅署塔城參贊大臣明春復於是年續辦第二次司牙孜結案一百八十四起

又案新疆初設行省開辦稅務外部商民如克什米爾如條拜

提如巴達什罕如卡五洛如愛烏汗卽阿富汗土人呼爲教罕  
又稱浩罕各部商民均照華商一律納稅毫無閒言自有俄商  
暫不納稅之約後駐喀英官馬繼業爲保護印度商民援公法  
利益均霑之例於是各部商民一律免稅其實克什米爾條拜  
提附隸印度固爲英屬若愛烏汗巴達什罕卡五洛名爲英國  
保護其實人民政事皆由該部會自主並不屬英該部民言之  
甚悉特利不納中稅陽爲英屬耳